



НИЙСЛЭЛИЙН БАГАНУУР ДҮҮРГИЙН
ЗАСАГ ДАРГЫН ТАМГЫН ГАЗРЫН
ДАРГЫН ТУШААЛ

2023 оны 10 сарын 19 өдөр

Дугаар А/38

Улаанбаатар хот

Ёс зүйн дэд хороог байгуулах тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 67 дугаар зүйлийн 67.5, Төрийн албан хаагчийн ёс зүйн тухай хуулийн 10 дугаар зүйлийн 10.1, 13 дугаар зүйлийг тус тус үндэслэн ТУШААХ нь:

1.Засаг даргын Тамгын газрын төрийн албан хаагчийн ёс зүйн зөрчилтэй холбоотой гомдол, мэдээллийг хянан шалгаж, дүгнэлт гаргах ёс зүйн дэд хороог дараах бүрэлдэхүүнтэй байгуулсугай.

Дэд хорооны дарга:

Төрийн захиргааны удирдлагын хэлтсийн Хүний нөөц, төрийн албан хаагчийн ёс зүй, шагнал хариуцсан мэргэжилтэн

Гишүүд:

Засаг даргын Тамгын газрын Аж ахуйн тасгийн дарга

Санхүү, төрийн сангийн хэлтсийн ерөнхий нягтлан бодогч

Төрийн захиргааны удирдлагын хэлтсийн Эрх зүйн асуудал, тогтоол шийдвэрийн биелэлт хариуцсан мэргэжилтэн

Нарийн бичгийн дарга:

Төрийн захиргааны удирдлагын хэлтсийн Хороо, иргэдийн өргөдөл, гомдол, санал хүсэлт хариуцсан мэргэжилтэн

2.Төрийн албан хаагчийн ёс зүйн зөрчлөөс урьдчилан сэргийлэх, хэрэгжилтийг зохион байгуулах, төрийн албан хаагч ёс зүйн хэм хэмжээг зөрчсөн эсэх асуудлаар хууль, журмын дагуу дүгнэлт гарган томилох эрх бүхий албан тушаалтанд танилцуулж ажиллахыг Ёс зүйн дэд хороонд үүрэг болгосугай.

3.Энэхүү тушаал гарсантай холбогдуулан дүүргийн Засаг даргын Тамгын газрын даргын 2019 оны 02 дугаар сарын 28-ны өдрийн “Ёс зүйн зөвлөлийн бүрэлдэхүүн, ажиллах журмыг шинэчлэн батлах тухай” А/12 дугаар тушаалыг хүчингүй болсонд тооцсугай.

ДАРГА



П.БАТТУШИГ

1202030447